

小倉山房文集

小倉山房文集卷六

錢唐袁枚子才

福建總督太子少保姚公傳

公姓姚名啓聖字熙止浙之會稽人生而倜儻以豪閒弱冠特路遇健兒刼二女子行其翁隨之哭牽持洶洶公大怒卽奪健兒佩刀殺健兒縱翁與二女子去而已逃入旗

聖祖登極公以布衣上疏請八旗開科遂舉康熙二年鄉試宰廣東香山縣明末廣東寇災民稅不登知縣坐負課獄繫者七人公嘆曰明年增吾爲八矣乃張樂置酒出七人于獄痛飲之爲辦裝遣歸而通牒大府云七

令名下應追金十七萬。已于某月日收庫訖。督撫驚疑。公巨富。代償帑行善。而不知公故寒士。實未辦作何償也。居亡何三藩反。天子命康親王南征。公謂其友吳興祚曰。我賈禍大非佐王立奇功不得脫。欲說王非子不可。吳許諾。乃予金五千。俾通門關之。廝又陰探王好彈爲遣。十萬九銀泥封。襪施五采。藉吳獻之。吳亦貌玉立。甚口熟悉。八閩既聚錢糧兵馬之數。王與語大悅。飛檄廣東。辟公叅謀。督撫知爲公所賣。迫于王命不得已。將所虧帑強海商填庫。而遣公行。當是時閩王耿精忠脅鄭經同反。經者成功之子。據臺灣者也。先一年其將黃梧以海澄廈門降經。爲精忠所誘。復煽遣孽據廈門。

使其將劉國軒等拒王師會精忠已爲浙督李之芳所
敗窘乞降王不許公請于王曰此二賊者如韓遂馬超
不離之卒難破也請許精忠降而專攻經王許之公
招降潮州賊劉進忠汀州賊韓大任皆滇逆吳三桂黨
也王嘉其功奏授溫處僉事道再擢福建布政使公率
其子儀攻紫巔山破之又擒賊將會養性于溫州上
知公可大用加兵部侍郎銜總督福建以吳興祚爲巡
撫康熙十七年海澄公黃芳都統穆黑林等戰敗于祖
山頭退保海澄國軒攻陷之乘勝取長泰同安進圍泉
州再逼漳州兵號十萬壁于龍虎蜈蚣兩山軍容甚盛
城中兵少公以五蠟丸檄泉州兵來援不至耿精忠悔

其降大勳將軍賴塔欲棄城走公曰賊驟勝而驕謂我不能軍也請不戰以懈之而出奇以破之命閉城門韜弓卧鼓忽一日天大霧公吹簫築者三壯士鍾寶等突開城持長戈先登而公自率精兵五千繼之呼聲震天賊不辨衆寡自相踣籍陣遂亂自辰至酉斬首四千生禽千五百人國軒敗走海澄公收復長泰同安等處進攻海澄海澄者濱海地也峻而險賊據之築塹高數丈排列艤艫守金門諸島密若布棋相持一年不決公開修來館招降人奏設水師提督練水戰分遣散兵擾其餉道賊漸乏食十八年吳三桂死其五鎮將黃靖等相繼來降經大將朱天貴亦降賊勢愈蹙十九年公會同

巡撫吳興祚提督萬正色水陸進兵攻海澄克之賊逃
歸臺灣先是鄭有梟將曰施琅斬經婆來降上授水
師提督屢立戰功公知琅熟悉海道奏取臺灣非琅不
可又奏鄭經死子少國內亂時不可失上乃使公與
琅同進兵琅請由銅山蘇尖開洋乘南風攻澎湖公欲
待北風直趨臺灣彼此意見不合各有奏聞會南潮驟
發舳艫乘疾流逼壓賊壘被賊圍困琅駕樓船衝突入
圍公率兵相助至鹿耳門門仄水淺鼓之舟不得上賊
據高險處曳足觀揚揚自得公禱天妃廟借水明日大
戰砲發水驟長一丈舟並行如鳥張翼而上賊錯愕不
知所爲哭曰天也夫復何言國軒與鄭經子充瑛面縛

反接以臺灣降自康熙十三年用兵至二十二年福建
平。天子晉公兵部尚書太子少保授琅靖海將軍封
靖海侯公身長七尺白晳兩目精光四射手勒奔馬用
弓至二十石麾下所養奇材劍客皆能得其死力臨陣
時應變如神而性慈不妄殺戮先是閩人困軍供十室
九匱當事者遷沿海居民于內地界而圍之越者死民
多流離滿兵奴其老稚鞭箠呼號公受總督印卽奏滿
兵不宜水土宜撤歸又奏康王體尊不宜久暴于外宜
先班師疏三上。天子報可兵歸者猶驅子女北行公
向王涕泣求下令嚴禁而私傾家財贖之凡捐金三十
萬贖所俘二萬餘人還閩中又請開海界復民旧廬聽

降卒懇荒土資其生列戍于外以防衛之閩人歡呼祝
延處處肖公像爲生祠初廈門有石文云生女滅雞十
億相倚人多不解及臺灣平或曰十億兆也加女姚也
鄭字酉旁雞也滅雞滅鄭也當芝龍起事時公始生傳
四世六十年而爲公滅公滅鄭之次年痘發背薨

威信公岳大將軍傳

公姓岳諱鍾琪字東美一字容齋先世湯陰人爲忠武王飛之後十七世徙居蘭州父昇龍以百夫長從征吳三桂立功累遷至四川提督因家焉薨諡敏肅公生有至性母苗太夫人疾刲股以療敏肅公命之射猶忍痛發矢爲兒時好布石作陣進退羣兒頗有法敏肅公器之奏以同知銜改武授松潘鎮遊擊遷永寧副將康熙五十八年西藏達哇藍占巴等叛天子命十四親王爲大將軍噶爾弼爲副將軍率公征之公領兵四千先至察木多獲逃酋探知有準噶爾使者在其地誘各番酋守三巴橋過我兵公念三巴橋者進藏第一險也賊

若斷橋守之。我兵勢不得過。而其時兩將軍隔數千里。無由咨詢。乃選能番語者三十人。衣番服。飛馳至落籠。宗禽其使者五人。殺六人。諸番聞之。驚以爲神兵自天而降。相與匍伏降。無梗道者。已而副將軍率諸將來會。將鼓行入藏。忽大將軍以調蒙古兵未至。檄諸將各就所到處屯兵待之。毋輕動。公請于副將軍曰。我兵齎兩月糧。自察爾多來。已四十餘日。若再待大軍糧。且盡。聞西藏部落有公布者。爲其右臂。最強。能檄令先驅。當無俟蒙古兵也。副將軍許之。公卽招撫。公布渡江殺逆番七千人。禽首犯達哇等。自四月十三日用兵。至八月十九日西藏平。聖祖嘉之。由副將遷四川提督。駐松潘。

雍正元年青海羅卜藏丹津寇西寧大將軍年羹堯召公會謀公沿途勦撫有潘下等番爲賊阻道者滅之有哈齊等番爲賊虜者撫降之有果密等番盜官馬聚大石山喊鎗者擊殺之自松潘行至西寧五千餘里烽烟肅清青海爲之奪氣旣見大將軍卽奉檄征爾格弄寺喇嘛于華里羅氏黨也華山甚險其下五堡環峙軍到寂然公曰是有伏也遣騎搜之堡內賊果起公三分其軍奪山殺賊賊敗走追至一山有高樓賊伏其中發矢石公命健兒二十人密攜引火木枋從兩旁進而躬率大隊迎戰戰方鏖樓上烟起天大風燄光灼耀賊累累然焦爛墜矣是役也破賊萬餘公兵止三千也還營大

將軍喜謂公曰 上知公勇將命公領萬七千兵直搗
青海約四月啓行何如公曰青海賊無慮十萬我以萬
七千當之宜乘其不備且塞外無畜牧所不可久屯鍾
琪願請精兵五千馬倍之二月卽發大將軍以公言奏
世宗壯之加奮威將軍如期出塞行至崇山見野獸羣
奔公曰此前途有放卡賊也蓐食速驅果禽百餘自此
賊探信者斷矣至哈達河賊據河立營公渡河戰斬千
餘人賊竄而西追之其黨貝勒彭錯等降告知羅卜藏
丹津擁衆數萬駐烏蘭大呼兒公拔營夜行遲明至其
處賊尚卧馬未銜勒聞官軍至驚不知所爲則皆走生
禽賊母阿爾太哈賊妹阿寶等羅卜藏丹津衣番婦衣

騎白駝走噶爾順公留兵守柴旦木要害處而躬自追
之。日行三百里至一地見穆穆然紅柳蔽天目不能望
遠。夷人曰此桑駝海也。路自此窮矣。公乃班師。是役也
公以五千兵往返兩月降台吉三禽台吉十有五斬賊
八萬餘生獲男婦軍器駝馬甲帳無算獻俘京師。世
宗告廟御太和殿受賀以青海平大赦天下加公公爵
賜詩褒寵仍命率師二萬征莊浪衛諸番皆青海餘孽
也。所至讐服乃安插洛力達等十六族耕地起科而奏
改莊浪爲定番縣三年遷川陝總督五年準噶爾叛
上命大司馬查郎阿至關中築壇拜公爲寧遠大將軍
征之公率師至巴爾庫勒賊逃公築東西城將屯兵會

上召公乃交印于提督紀成斌身自入都賊伺公行入
劫馬厰紀憇縮不救廷議者劾公失機所薦非人上
斬成斌下公于獄今上登極之二年赦歸田里十三
年起公爲四川提督征大金川先是經畧張廣泗等皆
無功公到命撤土兵募新兵揚言攻康八達而暗襲根
襍奪四十七礮樓復臨勒歪口僞運糧狀誘賊伏火器
待之賊果出搶糧鎗筒齊發爛先是金川聞天子用
公皆不信曰岳公死久矣至是大挫方疑公來然猶未
知公果在否也會天子命大學士傅恒視師誅姦人
阿扣王秋等賊懼欲降恐降而誅負固未出公請于傅
公曰鍾琪願詣賊巢驗誠否問帶若干人曰多則賊疑

非所以示信也。乃袍而騎從者十三人。傳呼直入羣苗。千餘皆燭布襦袴。裹甲持弓矢迎公。目酋長故緩其轡。笑曰。汝等猶認我否耶。驚曰。果然岳公也。皆伏地羅拜。爭爲前馬導。入帳。手茶湯進公。公飲盡。卽宣布。天子威德。待以不死之意。羣苗歡呼。頂佛經立誓。椎牛行炙。留公宿帳中。次日酋長莎羅奔等從公坐皮舡出洞詣大軍降事聞。天子加公太子少保。兵部尚書。復還公爵。加威信二字。以寵異之。十五年冬。西藏朱爾墨突叛。殺都統傅清等。公會同總督策楞討平之。十六年。襍谷開土司蒼旺有異志。窺取舊保城。公得信。亟言于策公。曰。襍谷開卽唐維州最險要。聞蒼旺密調九子龍窩等。

處兵據維關此地一失後將噬臍宜及其未集擊之若待奏下則遲矣策公深然之卽會奏便宜行事支武弁一年養廉兵三年糧率大軍夜圍襍谷禽蒼旺斬之撤土司設營置戍羣番熟服十九年再討墊江酋陳崑未至卒于軍年六十九天子震悼予祭葬賜謚襄勤公長七尺二寸駢脅善射寡言笑目炯炯四射食前方丈饌飲兼人其忠誠出于天性征青海至哈喇烏蘇天寒溝澗軍渴公禱于天水卽湧出督川陝時有逆人曾靜者上書勸反立禽以開放歸十餘年廬于百花潭北野服蕭然忘爲大將所製鉤梯戈甲精思詣微他人依古法爲之俱不能及閒居手通鑑一編好吟詩有薑園蛩

吟二集行世相傳番僧號活佛者倨受王公拜不動見公則先膜手曰此變身韋陀也僧言雖誕然亦可想見公之狀貌云

舊史氏曰枚與公次子油同舉孝廉于公爲年家子以不及見公爲恨第七子澥爲六安叅將恂恂儒將有父風與枚雅遊甚懽持公狀索枚立傳惜當時秉筆者敘次回冗讀之不甚了析爲以意纂輯著于篇恐未足以傳公也公長子澥甫弱冠巡撫山東明達寬靜吏民懷之爲公入獄故終歲七纓衣蔬食不宿于內亦偉人也當集其遺事爲別立傳

勇略將軍趙襄忠公傳

公諱良棟字西華陝西寧夏人年二十四以武勇受知於大將軍孟喬芳從英王征陝授潼關遊擊再隨經略洪承疇征雲南遷副將康熙元年滇王吳三桂奇公奏擢廣羅鎮總兵公知三桂有異志以疾辭三桂大怒欲劾誅之總兵沈應時爲異詞以解免隨入關補天津總兵十三年三藩反陝西大震寧羌惠安兵變殺經略提督

聖祖命公征之議者疑公陝人不可信公請留家口於都而已率勁兵馳往上許之時官兵敗散屯堡荒廢公沿路曉示招官歸原汛兵歸原伍劾貪冒募健兒軍

威大振斬首逆熊虎等四人寧夏上疏奏蜀爲滇黔
門戶若不先恢復則滇黔路不通請乘勝進兵上許
之公率兵抵密樹關遇賊敗之禽其將徐成龍遂取徽
縣過高山深箐數十重晝夜兼行抵白水壩時康熙之
十八年除夕也壩爲川江上流與昭化脣齒俗號鐵門
坎賊防守尤力沿江立營爲石囤木柵張砲公下令曰
元旦渡江大吉違者斬黎明公騎驛馬率麾下五千人
橫刀渡江江淺爲萬馬騰波濤盡立呼聲震天賊連
發砲傷數十人無敢回顧者賊大驚曰此老將軍軍令
如山不可抗也方格關天忽風吹馬如吹舟頃刻抵岸
斬賊將郭景儀等獲器械旗幟馬匹無算餘賊奔竄追

之再勝於石峽溝。十月而克成都。公入城。秋毫無犯。收金銀印三百六十。僞劄千。奏繳之。上大喜。手詔褒美。加勇略將軍。兵部尚書。總督雲貴公。密奏滇黔恃蜀爲捍蔽。今蜀已得。而吳三桂又新死。宜乘機速進。上許之。當是時。王師征滇。貝子章泰自貴州進兵。滇池將軍賴塔白。廣西進兵。黃草壩。滿漢兵十萬餘。圍城。九月。未下。米斗四金。月需米六萬石。公至軍。卽向貝子陳三策。其一稱欲取內城。先破外護。使賊匹馬不能出。方可招降。其一稱我兵匝圍太遠。自歸化寺至碧雞關。東西七十餘里。調呼不靈。宜掘裏壕。相攻逼。其一降者宜分別收養。不宜盡發。滿洲爲奴。貝子不悅。以滿洲語相駁詰。

而公又漢人不解滿語張目抵牾幸公已奏聞詔下
悉如公策貝子不得已與兵二千攻得勝橋公望見橋
頭砲臺甚密白晝攻所傷必多乃伏馬兵於南壩兩岸
分步兵爲三隊營壕牆外牆上架交槍子母砲身披馬
綿持大刀督陣夜二鼓攻橋賊盡出死戰其帥郭壯圖
親搏戟三進壕牆而伏兵三起應之列炬如星鎗砲雨
下賊敗走公奪橋追至三市街再敗之天猶未明也平
旦入東南二門郭壯圖舉火自焚三桂子世璠自殺餘
賊盡降雲南平加一等精奇呢哈番召入都以將軍管
鑾儀衛事公破城所得降將偽官俱不殺并代奏乞恩
以故樂爲盡力每戰有功然本秦人性戇氣陵其上首

創取蜀之計。將軍吳丹王進寶等咸嫉忌吳。故大學士明珠從子怙寵而貪。公尤輕之。每論事輒不合。初吳三桂聞公取蜀。大悲。遣將胡國柱陷永寧。建昌。兵部責公不救。議削爵。聖祖不許。公引兵克復兩郡。追賊至大渡河。聖祖命公乘勝進。演而大將軍貝子屢檄公先追。獲胡國柱。再往。公不從。攻得勝橋。與兵甚少。公爭之。許以在南壩相救。及鏖戰。救不至。得橋。又改命蔡毓榮守之。公積不平。入朝。屢忿爭於大學士明珠前。明珠雖怵以好語。然以吳丹故。心終不善也。公乞骸骨。歸。許之。康熙三十五年。上征噶爾丹。以公老將。復召公。年已七十五。遂上表明心迹一疏。分十四條。洋洋數千言。貶諸

將軍不值一錢而自序戰功最苦爲部臣所抑語氣傲
悍御史龔翔麟劾以大不敬宜斬上優容之命赴行
在問方略寵賜優渥憫其老放歸數年薨諡襄忠公雖
武人好觀通鑑家居聞知縣呼騶過門便拱立喚家人
子弟齊起曰父母官過敢不敬乎其樸誠如此子四人
位皆至制府中丞

論曰以馬伏波之勲而晚年主恩衰替范蔚宗以爲功
名之際理固應然公之功名有類伏波其長者家兒爭
相傾軋則有甚焉且誣公謀反而竟以令終者何也
孔子曰惟天爲大惟堯則之聖祖如天無所不照無
所不容公遇聖祖公勝伏波矣公薨聖祖諭祭云

事久而乃績。彌彰人往而朕心長。眷嗚呼使死者而無知。則可死者而有知其如何。讀而感感而悲也。

于清端公傳

公姓于諱成龍字北溟山西永寧人順治十八年以副榜宰廣西羅城縣縣故烟瘴地多苗以攻劫爲俗公與爲誓毋弄兵器毋盜苗敬信之轉相告語馴伏或三日或五六日必率子女問安在羅五年舉卓異遷合州知州再遷湖廣黃州同知巡撫張朝珍知公才命討武昌賊黃金龍卽守武昌當是時三藩反金龍陰受吳三桂僞劄屯兵據險其軍師劉君孚者爲訟事受公恩者也公知衆寡不敵乃騎一騾從一鄉約直入劉家劉欲探公意逃山後不出而陰張強弩待公公罵且笑曰君孚老奴受我恩避我自慚作賊耶渠不過爲人逼誘耳我

老人髮鬚如此。寧不曉也。語未竟。君孚從厨後躍出。投
弓跪曰。君孚祖宗有靈。使公至此降矣。尚何言。即日降
其衆數千。武昌鄉勇亦至。問金龍何在。曰在望花山。卽
命導行。乘其不備。擒之。撫軍喜。奏實授武昌知府。再調
黃州甫抵任。湖北大亂。何士榮反。永寧鄉陳鼎業反。陽
羅周鐵爪反。白水劉啟業反。石陂各擁衆數千。號十萬。
陽言先取黃州。議者謂援兵隨大軍征滇。黃州兵少。宜
退保麻城。公不可。曰黃州湖北咽喉也。棄之則荆岳七
郡皆瓦解矣。仗天子威靈。可以一戰徵各區。丁壯自
草檄先攻鼎業。擒之。再攻士榮。戰于黃土。均賊勢甚盛。
紅旗殷山。礮雨下隊。長吳之蘭焚死。火燎公鬚。不爲動。

手劍立營門而陰令三百人自右山擊賊後賊大亂敗走公曰諸賊中士榮最強士榮旣破諸賊膽落宜乘勝攻之諸營力炊覆釜以進預伏兵于鐵爪等敗逃處果悉擒之乃勒石黃市旗亭班師而還是役也爲先鋒者把總某協謀者門下士某引路者鄉民某督陣者公也不費公家一錢二十四日而黃州平遷江防道再遷福建按察使福建當耿精忠亂後康親王駐軍省中牧馬者月徵莖夫數萬公爭于王前罷遣之海寇犯漳泉有莠民通海起大獄株連千餘家公平反之滿兵掠浙東子女沒爲奴婢者數萬公贖還之王與諸大府素知公名公所言靡不聽遷布政使舉清官第一巡撫直隸再

遷兩江總督官吏望風改操知公好微行遇白髯偉貌者羣相指震懾士民有歡笑無管絃游惰不空手櫬坊無鎖年六十八巡海歸薨天子震悼給祭葬加贈太子太保謚清端軍民巷哭繪像以祀公清介絕俗重門洞開白事官吏直入寢室左薑政右簿書狀如鄉里學博而用兵如神尤善治盜知黃州時聞張某者盜魁也崇閩高垣役捕多取食焉慮少遼緩姦不得發乃半途微服詣其家詭名楊二司酒掃謹張愛之使爲羣盜先居亡何盡悉盜之伴侶觴機密約號乃遁去鳴鉦到官一日者集健步約曰從吾禽盜具儀仗兵械稱從前行至張所徘徊于庭大呼盜出張錯愕迎拜猶抵闕公

曰。勿。承。可。仰。面。視。我。楊。二。也。張。驚。伏。地。請。死。公。取。刺。出。大。案。數。十。擲。與。之。曰。爲。辦。此。足。以。贖。矣。張。唯。唯。願。一。切。受。署。合。門。妻。子。環。跪。泣。曰。弟。赦。盜。死。盜。不。能。者。某。等。悉。如。公。命。公。留。健。役。助。之。不。數。日。羣。盜。盡。獲。其。殺。人。者。活。埋。之。武。昌。營。弁。某。弟。素。無。賴。適。遠。歸。是。夜。輒。餽。盡。劫。弁。告。弟。所。爲。彭。考。誣。服。連。引。十。餘。人。獄。具。獻。盜。公。破。械。縱。之。撫。軍。驚。問。曰。盜。寃。曰。真。盜。何。在。公。指。掌。下。一。校。曰。是。真。盜。也。餘。黨。進。香。木。蘭。山。今。晚。獲。矣。未。幾。獲。盜。賊。尚。在。校。家。封。識。宛。然。江。寧。盜。號。魚。壳。者。拳。捷。倚。驛。防。都。統。爲。解。有。司。莫。能。禽。公。抵。任。時。官。吏。憚。公。遠。迎。公。曰。吁。不。至。方。驚。疑。探。刺。而。邏。者。報。公。早。單。車。入。府。矣。羣。吏。飾。厨。傳。

不受饋餽。率不受一郡不知所爲。按察使某公年家子也。從容言公過清嚴。則上下之情不通。某意欲具一餐爲雅壽。公笑曰。以他物壽我不如以魚壳壽我。按察使喻意出以千金爲募。雷翠亭者名捕也。出而受金。司府縣握手罵曰。我等顏面寄汝矣。勉之。翠亭質妻子于獄。偵知魚方會羣盜。張飲秦淮。乃僞乞者。跪席西呢呢求食。魚望見疑之。刃肉衝其口。雷仰而吞。神色不動。魚咋曰。子胡然。子非刳也。子爲子青天來禽我耳。行矣。健兒背汝累乎。翠亭再拜羣役入跪而加鎖。擁之赴獄。司府縣賀于衢。是夕公秉燭坐梁上。碧然有聲。一男子持匕首下。公叱何人。曰魚壳也。公解冠几上。指其頭曰。取魚

長。覽。笑。曰。取。公。頭。不。待。公。命。也。方。下。梁。時。如。有。物。擊。我。手。不。得。動。方。知。公。神。人。某。惡。貫。滿。矣。自。反。接。銜。七。首。以。獻。公。曰。國。法。有。市。曹。在。呼。左。右。飲。之。酒。縛。至。射。棚。下。許。免。其。妻。子。遲。明。獄。吏。報。失。盜。人。情。洶。洶。司。府。縣。和。賀。者。轉。而。相。尤。趨。轅。將。跪。謝。告。實。而。公。已。命。中。軍。將。魚。亮。斬。決。西。市。

論曰公縱仕羅城年已四十五不二十年督兩江名震天下其初心豈及此哉自言治兵武備因草豆不足頭搶柱欲死者數矣孟子動心忍性之言不其然乎魏尚書環極以公與陸稼書同薦海內榮之然公晚年出張中丞手書輒嗚咽流涕蓋魏公猶識之于名成後而張

公先識之于名未成時。子皮鮑叔之功尤爲難也。江寧人傳公魚壳事甚著。考澤州相公。王稚黃兩傳皆無之。故別立一傳。不使文人釣奇。獨崇太史公云。

贈編修蔣公適園傳

公諱堅字非磷號適園江西鉛山人。生而家貧肩粟養母。困童子試鬱鬱乃請于母曰兒年二十八矣未博一衿幸諸兄侍願遊學如歐陽詹母許之先入都至山右漢陽嶺南薊門河洛諸郡而晚年再遊京師公精法家言諸侯爭延之代州有大獄囚鼎鼎牘可隱人撫軍檄岢嵐牧甘公辦治甘聘公行獄立具殺七人釋無辜者百八十人酒姓兒娶婦月餘弟迎姊歸將入村失姊懼反誣酒氏官下酒氏翁于獄七年不決公從太原返吏指前樹林曰此酒氏家也公心動驟馬而之乎山凹有人扃戶博欄之一兒覺異拍髯者肩告之衆咸喏曰鬼

耳人則安能來公跳歸白甘公篡取鉤距果犇者所畧也臨汾令某縱吏暴征民變棄家登山撫軍檄澤州收佟公辦治聘公行日驅三百里至平陽能屬者裁四騎山上人如蟻蠓樹鉤鋤爲兵張旗洶洶公手令箭而先周山呼曰撫軍知而等良也爲姦胥逼反特遣佟使君來活汝宜各寧爾家有目者視此箭山上人禁聲稍稍下公導餘騎入縣縣庭瓦礫山積令從夕室出率犯法吏六人跪佟前民環門而囂欲毆之公叱曰勿妄動有王法在乃撈吏于庭血流民懽噪拜謝去安堵如故次日四鼓羣官吏詣省自撫軍撫軍大悅飲佟酒而手炙鹿尾啖公公幼卽以智俠自喜七歲隨叔父遊法雲堂聽

僧誦經廡下坐縣捕數人私語某寺僧被殺主名不得
奈何公辟問于叔曰殺人者堂上老僧也叔呵之曰渠
誦經屢顧不在經故疑之捕者牽僧去一訊而服十七
歲阻風瑞洪鎮有少年同舟舟人哺食少年登岸再食
再登岸公疑而迹之見其蹲古廟大鐘下色焦然瞠也
曰余南昌熊白龍家貧告急于河口戚不遇反寄食舟
人未償其值而又遇風舟人將不余食焉故避此語畢
泣公亦泣強入舟與共食而資以金熊感謝歸邀過其
家見母暫爲兄弟居亡何熊來曰權弟金獲利市三倍
今將販繒臨安無所託母妻故來弟知吾父有養子白
蛟乎素無行脫有故弟善持之言畢去逾年繒主人執

訊來曰熊某死矣餘金若干目且瞑屬曰爲我報蔣君
公陰念歸龍喪非蛟不可而蛟見金必巨測乃札覆主
人授部署法遲十日告熊母母果遣蛟往已而召公哭
曰蛟至浙兒骸已焚闖然在桶舟人負之納我圃此外
不有其藏一錢奈何公慰母再三而身自往圃哭視畢
走出母牽公袍曰聞繪主以兒金寄君金之來由君然
貿易者與有勞焉幸析半惠老身何如公未答蛟突前
睨曰須南昌廳事明之耳公叱曰何必南昌廳召二三
隣父來卽明也蛟噉喙爲公去俄而麗眉者六七叟至
公曰所以囁嚅者受亡人託防蛟故也防蛟爲母故也
今母見通事不得不速明請詣圃乃繞桶而號曰白龍

知我白龍知我斧之複底脫鏡三具墮地光瑩瑩然鎔
金也。褻以簿券衆取視感泣嘆老嫗目昧不知人未幾
蛟果竊金遁矣。公五十歲家居聞佟收爲負課事繫獄
憮然曰我不往則難不解。先至天津撫其家再至澤州
視佟佟方缺金五千自分無全理。且老不肯食。聞公至
爲加一飯。會太守有疑獄聘公公曰若助佟我助若太
守喜張示勸募州人負刀布厲至三日而畢。佟行公乃
行。公有神力而敏于爲善。遇盜許圖兩騎截路中五人
行劫公怒射一人顛再發再顛盜驚捨所劫者來搏公
公縱馬入刺殺一人馬逸公仆躍起復殺二人餘盜乃
竄被劫客爲公牽馬出林羅拜問名姓去。又嘗行崙嵐

道中兩峯夾溪天暴雨泥沒馬鼻有婦抱兒騎一童子
負策從公慮其溺救之非錢莫以也乃解數緡挂馬首
須臾婦溺童子驚亦溺公大呼救者贈錢萬搖其繩錢
鏘鳴途人應聲往皆掖起之送寧其家公四十六歲始
娶鍾夫人生子士銓官編修朝廷贈公如其官公卒時
年七十一猶及見士銓舉于鄉也

贊曰讀史遷班固揚子雲諸人自序輒嘆人子孫生一
顯人不如生一文人何也彼顯人者于乃祖父僅封秩
追崇之已耳若夫述世系揚風烈非其才孰任焉士銓
以文伏一世偏矜罷余文丁亥元日披七品服祀公卽
持公狀入山乞傳狀厚如梵夾讀之累夕不能盡乙其

處者凡三十有餘事。嘻。何其富于善也。今之爲公卿者。生赫赫死則序。恩榮數行。便灑然盡。公布衣也。現意琦行。紛。疊。若。是。雖。公。意。踔。絕。不。以。仁。義。讓。人。而。士。銓。之。腹。存。手。集。羅。縷。畢。貫。其。才。高。其。志。尤。足。悲。也。子。輯。而。傳。之。困。于。體。例。無。能。多。書。然。其。犖。犖。大。者。殆。無。遺。焉。

高守村先生傳

聖人之道大而博學者各以其學學聖人要其至焉耳
後世河北宗鄭江左宗王尚未聞其有所拘闕也東天
下而崇宋儒自元明始于是高才生退有後言且過激
人見其激也又羣驚爲奇服怪民而莫敢近焉是過也
乾隆甲戌高先生守村訪余于白下年七十許清臞蘊
立高睨而大談解孔孟專攬秘宋儒其所見亦未必盡
是要皆的的然有心得者余灑然異之別六年陶明府
京山從滇歸道先生守姚安事甚具又十餘年蔣茗生
太史來賢先生不絕口二人非妄譽人者余益信先生
果奇男子也茗生授二石刻曰此先生知平彝劒川二

州德政碑也。滇人不文序事，不識體制。又過欲揚頌，如
郝鑒見王導意滿口，重言殊不流子。其采而傳之，其一
碑曰：先生廉不言貧，勤不言勞。王師征烏蒙，運餉六
千石而民不知。理獠訟可和，者和之可決。遣者決，遣之
罔不當。其一碑曰：征劍川糧減額，外公件銀每兩若干。
引老君山水溉西莊畝，收增數鬴。丈鵝雅場清其界，酋
夷皆拜曰：從此百年無事矣。嗚呼！滇最惜俗，也能齊其
口爲無窮之間。以存先生，然則碑愈俚，民情愈真。想先
生之經德秉哲，殆不愧其言者。先生亡已久，子弟才下
無所發明，門生故吏又懼大忤于俗，不敢張其說。余聞
而悲之，夫犯衆敵抗令甲以追取聖人之心，此其志直。

合萬世爲一朝者而卒之身甫歿姓氏就湮然則與夫庸庸然曹出曹入者何以異也天之所以生斯人使獨異于衆人者又何也追憶當日先生與余天涯一邂逅耳豈料身後事余爲存之而余亦豈料十餘年後尚有先生兩知已在耶夫儒者闔然之學原不爲名計而卒其所以常存于天地間者又捨名曷以哉嘻古之人所以重後死者也先生名爲阜鉛山人

常德府知府張公傳

公諱開士字軼倫浙之仁和人世居北郭青沙里先人
好施貧其家公生九歲而孤乾隆元年舉於鄉七年成
進士選銅陵縣知縣移知桐城宿州擢常德府知府
未之官居太夫人憂服闋將行竟不起公曼詞矩步造
次必於儒者然義之所在展意無所依回銅陵災公請
賑饑委官某揣撫軍范公意提擲之公趨皖江見范公
泣曰民無鳩矣苟蘊年而蘇利安用官爲言畢袖印置
几上再拜求去范改容謝之聽其請桐城某公所拔士
也爲盜張六韜所誣某父以財夤緣公怒其父曰汝欲
速而子死耶某懼闔門待罪公廉其姦召六韜曰汝誘

之博博負而教之作盜果誰爲禍首耶六韜泣不能聲
乃專坐六韜宿州河決公戶籌口算輕糴重賑符牒風
發縛木橋渡商旅艤船寧村中氓設淖糜四門資蒙袂
者或慮爲私累公笑曰縱于官難開除吾以活人破家
不亦光于古乎爲之益力亡何水涸

天子輸庫金百萬修水政公爲植巡功宿于堤陳畚揭
綆缶似其溝物其土方畢歲乃大稔江南最大省羣吏
才智縱橫各自矜奮而公盤辟雅拜言詞迂緩常侍今
兩江制府高公坐欲有所陳先搖首引書語高公笑曰
汝又賓賓作學子態耶滿席爲之囁然然兩薦知府他
吏不得獨公得之皆高奏也聞其死爲嘆息者再居官

二十年家無生產女壻陸建余甥也先公兩月亡公哭
之哀數月亦亡長子懋謙能文世其家

論曰余雅遊公三十年見其讀書窮晝夜額頰雖除夕
元辰聲鳴益高醉後好摹古忠臣烈士狀津津然欲蹈
之服闋時裁五十九自衰其年雅不欲出而簡書催行
肩項相望公愈感天子恩不得已置酒召諸故人訣
別泣數行下若預知其往而不返者然幸卒病于未治
裝時得委化正寢近子孫親湯藥人以爲善人考終報
也嗚呼有以也夫

湖北布政使徐公傳

君諱垣字紫庭會稽人也生而端靜坦中任真不與人爲同異以戊午舉人已未進士入翰林散館改授戶部主事累遷郎中記名御史出爲廣信府知府南贛巡道安徽按察使乾隆二十一年皖江災劫案屢起有司以盜報君審知皆饑民以搶奪論全活甚衆旋擢四川布政使調貴州再調湖北當是時貴州巡撫周人驥奏開安順南明兩河運銷銅鉛行二年安順灘勢平夷輸輓尚利南明灘高兩山夾峙每大雨衆流滙注所開峽口盡淤舟不能行周又護前不敢再奏有司迎合其意爲僱駝馬陸運而仍以水運報公密奏其狀且云撫臣以

節省運費故苦累民苗殊乖政體。上韙其言命總督
吳達善勘明停止官民懽呼公甫卸事卽病行至常德
府薨年五十一嗚呼當公任部曹時卽爲上所知及
試之于外歷四省觀察屏藩之任均能稱旨其卽大
用無疑乃驟以服官政之年中道而廢豈不惜哉然至
今有白黔中來者道馬戶苗人猶能記公姓氏延視不
衰則儒者澤物之功其效亦可觀矣余嘗過山陰至其
家四壁蕭然不知其爲方伯第也有子曰秉鑑公四十
後方生薨時尚幼故一切善政不能記憶約狀其大畧
屬余爲傳

贊曰進士同年較鄉試少故相親亦倍焉若同入翰林

則更少且更親矣。然不數年升沉頓殊。或爲名位所移。異目相視。卽陽爲謙下。而陰實相踈者。亦比比然。惟公能始終一致。幾微無改于常。可謂大行不加之君子矣。余與公同習國書。廷試時。諸翰林掩護其卷。栩栩自私。而公獨任人窺觀。有詢必告。其心地光明。亦可想見。在蜀時。余寄長歌懷之詩。未到而公亡。尤余所悵悵而悲者也。

小倉山房文集卷七

錢唐袁枚子才

河道總督陳恪勤公傳

公姓陳名鵬年字滄洲長沙湘潭人生時太夫人夢大
鳥挾一青衣童子來故命之曰鵬以康熙辛未進士知
衢州府西安縣有善政大學士張鵬翮薦之移知山陽
遷知海州再遷知江寧府江寧俗父母死子必親訃公
頒士喪禮禁之惡捕誣良事發赦後公仍置之法康熙
三十九年

聖祖南巡總督阿山偕供張名欲加稅公不可乃以他
事中之落職按驗聖祖赦其罪命入武英殿修書起

知蘇州府蘇大疫公所至疫斷民書公名鎮于門過維
亭鎮見水浮漚心動遣探得屍鞠之其鄰乃某村婦手
絞其夫也奉旨攝布政使忤總督噶禮再以陰事中
之落職按驗聖祖赦其罪命入武英殿修書學士沈
涵密薦公聖祖還其奏逾年召公見曰沈涵薦汝朕
疑之今知非汝所聽請故用汝爲弼昌道可乘傳奏事
故事督學使者歸輸金修城沈修昌州城有冠花翎者
數人稱某王遣來索金勢甚張公僞遜詞延花翎者入
而陰伏健步縛置獄中駟馬馳奏適某王入覲上示
以公奏曰無之上曰然則可聽陳鵬年處分公杖斃
一人枷四人狗於城自是畿甸肅然六十年大學士張

鵬翮視黃河奏公協辦公請於廣武山下開引河使溜
南趨又請疏南壩尾下流以殺水勢尋署總河兼署總
漕漕舟阻風旗丁糧盡公先給河庫銀六萬而后奏
聖祖嘉之以爲得大臣任事體世宗卽位授河道總
督未一年薨上深惜之賜謚恪勤予祭塋公廉幹有
才民愛之如水趨墾每褫職按問老幼罷市聚哭持糒
醪相遺滿洲駐防兵亦率男婦踴門入率袍屨靴求一
見陳青天狀貌聞赦詔下焚香跪北呼萬歲者其
聲殷天繫江寧獄或絕其食獄卒憐之私哺以餅爲守
者李丞偵知怒杖卒四十曰通一勺水入獄者如之公
自分命絕矣忽聞外有貴人騶唱聲甚高曰獄官來我

浙江巡撫趙申喬也入覲時。皇上命我語江南督撫。還我活陳鵬年。不知汝等可知否。言畢去。不與公交一語。未十年公總督南河。李爲邳睢同知。大懼來謁公公。無言。李心稍安。疑公忘之矣。居亡何。黃河南岸崩。芻茭翔貴。治者竹槌石。舊需金萬公。張飲召河官十餘人入酒行。嘆曰。鵬年餓江寧獄。幾死不意有今日。自賀一觥。且飲。且月。李目閃閃如電。鬚髯翕張。李色變。客亦慄視。不知所以。公笑曰。諸君不賀我乎。盍盡一觥。合席諾聲如雷。不能者強畢之。俄而奴捧饗餚出。磁而餽金者也。狀猗猗。公起手謝之。徧示客曰。滿乎曰。滿矣。持行至李所曰。某年月日爲一餅。故杖獄卒欲餓我死者。非他。

人卽足下也。今河岸崩百萬生靈所關不比老嫗性命不值一錢也。罰汝飲卽往辦治。放一勺水入民田者請勅書斬汝。亦使翠公知鵬年非報私仇者。李長跪色若死灰。持罇罇墮地碎。兩手自搏叩頭數百滿席客咄嗟回首無一人忍睇其面者。李出傾家治河。河平來驗工。官纓帽小車所杖江寧獄卒也。旣李竟慚恨死。公于故人子弟孤寒後進汲引如不及。賓從歡飲而公目覽手答沛然有餘。每用人則其家之一蹄一縷必爲資送。稱善廣坐訓過密室人銜感次骨。入獄迥然自憶未了事。曰杜茶村未葬某僧求書未與布衣王安節缺爲面別從容料量承鎖而行。在蘇昇鬱林石於郡學遊焦山遺

人泅水取瘞鶴銘爲亭護之其標寄如此所著詩文若干卷其被逮入京也除夕市米潞河主人問客何來曰陳太守曰是湘潭陳公耶曰然主人曰是廉吏安用錢爲反其直問住某所次日戶外車聲檻檻餽米十石書一函稱天子必再用公公宜以一節終始毋失天下望紙尾不著名姓問擔夫曰其人姓魏訪之則閉戶他出竟不知何許人也

論曰先有堯舜後有皋夔非遇聖祖雖十陳公烏能賢昔汲長孺魏元成輩束以細荆三十則亦呼轡而乞恩矣謾謾得善諱名皆其所遭者幸也聖祖南巡公不除道不供張甫入獄百姓張黃旗城上曰如喪考妣

村氓蠢愚至于如此忌者誣以大逆非無因也而聖祖怡然但云民愛如此甚好爲霸昌道進瓜熱河聖祖詔家人汝主官清不必以常例供奉好將瓜帶歸卽賜汝主嗚呼聖祖知公何其深也昔權德輿讀太宗賜李靖手詔不覺嗚咽流涕而嘆曰君臣之際至于如此吾于恪勤亦云

涓君小傳

仲姊嫁陸氏寡撫二孤以歸其季早亡長曰建卽涓君也。大眼而顧容貌充充然幼不其敏旣長澄神于學摩研編削被飾厥躬行安而節和去不善如絕絃年十七補博士弟子張古香太守妻以女從官宿州權記室事甚辦古香絕愛憐之性好吟詩持論與舅氏合不屑屑界唐宋而內寫幽懷外嬖羣雅結采必鮮運思必選其聲清揚而遠聞得若干首或嫌近體差勝涓君笑曰近體近風宜少年古體近雅頌宜晚年吾其有待耶余亦無以難也去秋患咯血五倉頓空心若墜琅玕然迎醫而藥之勿治召巫而占之勿祥予因索其稿涓君知余

之有意其存之也。脫手交。又取去。讐字。酌句。喀喀然。柴
立。吮毫力不勝。則臥臥起。再讐氣。魂魂矣。猶呼阿嬭泣。
曰。舅爲兒詩。開雕成否。不甚費。否。兒思遊目焉。裁。瞑耳。
其溺苦如此。死時年三十五。有子官郎。生八年矣。嗚呼。
姊守志。撫孤。卒與無孤同。余哀姊而撫甥。卒與未撫同。
且余年五十。髮斑斑有二色。無子。無兄弟之子。而前年。
婿死。去年五弟死。今年婿君又死。婿君者。其才且賢。出。
婿與五弟上。而余夫婦恩之。又最久。日謀以身後託者。
也。嘻。其酷矣。爲之傳。以弁其詩。

直隸總督兵部尚書李敏達公傳

公姓李名衛字又珩明初以軍功起家襲錦衣衛山浙
遷礪山公伉健有氣入貲爲戶部郎司納粟事親王某
屬每金千加平十兩公不可強之則昇櫬置戶部東廡
下署曰某王羸餘王大驚諭止之王府歌者殺人公會
刑部鞠刑部因王故欲爲道地公爭之急同儕止公而
公往益早

世宗心重之登極授雲南驛鹽道遷布政使旋巡撫浙
江康熙末年鹽法抗獎滇省有私壓短平諸色目浙商
浮費至十二萬州縣赤脚丁錢攤入田畝有田者不占
名籍奉土豪爲甲長供奉如奴公一切禁督奏免湖屬

浮糧又奏玉環山乍浦近海請設參將同知鎮撫之北
新關虧稅司權者患之公奏以南關之贏抵北關之縮
往來商大懽雍正四年遷總督節制江南七府五州當
是時浙省逆案屢發杭州汪景祺查嗣庭等以誹謗伏
誅而妖人曾靜又爲石門呂留良弟子上震怒停浙
人禮部試將大創之賴公外嚴內寬教督於下開說於
上致民俗丕變天心回和庚戌殿試前三名皆浙人
公駢脅多力鼻孔中通身長六尺二寸痘瘢如錢著頰
上皆滿而白皙精采豐頤廣頰腰腹十圍善養威重每
出繡衣袞袍乘入座露車去其帷壯士一人高丈餘執
大刀光明如雪扶輿而趨絳旗黃蓋綵架葩蟠數十重

鳬藻雁行罔不整。最後馬上鼓吹細樂。鏗鏘三四里闌。城老稚聞制府鉦聲。爭奔趨窺觀。目眩良久。引隍始畢。而提爐香。猶冉冉四散。性好武。設勇健營。募兵教之。擊刺一切器仗。加鮮明。每霜天大蒐。公披金甲。執鐵如意。登壇指揮。先是東南武備遜西北。而公自信過之。屢請從征西戎。又請長子星垣征楚滇諸苗。然世宗終不許也。公不甚識字。而遇文人甚敬。修浙江志。建書院。餼廩。獨豐。公餘坐南面。召優俳人。季麻子說漢唐禠事。遇忠賢。屈抑僉壬肆志。輒嗚咽憤罵。拔劍擊撞。聞鄞縣有王安石祠。大怒。嚴檄毀燒。奏飭十三省督撫修古賢祠。墓諸生入學者。行肅拜禮。許士女逢春秋節賽會迎神。

其姦惡則伐潛其墳事雖不行海內皆嘉公之志凡文
移奏章不過目聽人雜誦不可於意者嘖喑命改動中
肯綮雖儒者文吏皆心折駭伏以爲天授疏西湖淤三
十里增修祠廟植柳桃春時隄樹盡花水亭風臺金碧
明耀公晡餐畢鳴騶出清波門攜文案坐亭子灣辦治
文武屬吏白事者就湖光山色間稟請意旨判決如流
七年 召署刑部尚書加太子太保未二月總督直隸
故事直隸五總兵一提督與總督抗行公往悉受節制
總河朱藻素侮張公首劾之臧死爲城旦春公負氣好
勝遇權要人務出其上乃已當是時大將軍年羹堯河
東總督田文鏡九門提督鄂爾奇管戶部果親王皆隆

赫柄用而公輒彈劾搖撼之雖有動有不動然中外側目欲甘心於公者相環矣賴世宗知公深排羣言眷寵不少衰十三年八月

世宗崩公自知孤危獨立萬無全理入謁梓宮跪伏大慟暈絕不能起上知其意召見慰之曰卿但努力報國先帝雖崩自有朕在也賜珊瑚朝珠荷包兩匣再賜長子星垣武探花及第公意始安公尤長於治盜凡盜之巢藪火伴訪知如繪臨期以一錦囊付將弁往如敎卽時擒獲所到處江湖千里如枕席行舟桴鼓不鳴不禁妓不擒樗蒲不擾酒坊茶肆曰此盜綫也絕之則盜難踪跡矣先是朱文端公以醇儒治浙考

於古頒喪婚宴會儀教民又禁燈棚水嬉婦女遊山民
肩背資生及賣漿市餅家弛擔閉戶嘿嘿不得意公雖
受知於文端而爲政不相師一切聽從民便歌舞太平
誘掖而張皇之民喁喁大和愈卑賤者愈禱頌焉雍正
十二年公總督保定與戶部尚書海望同勘海塘至浙
遠近村氓以爲公復來撫浙也額手迎者蟻屯數十里
歡聲殷天文端公聞之嘆曰古人云觀徐公言論不復
以學問爲長斯言信矣公生時太夫人夢神僧授以異
寶及卒病黃疸呿聲震屋瓦徭內牛馬皆吼應之同起
同止如是者三晝夜氣乃絕年五十三謚敏達論曰
世宗皇帝時才臣任封疆者田李並稱然世之人往往

優李而劣田意頗疑之後讀 硃批上諭田文鏡奏禁
銅法請民間有拋擲制錢者擬軍又奴婢首主人藏銅
器者許脫籍治其主人之罪公奏禁銅法請官增價購
有售者卽與值不問所由來亦不治藏者之罪是二疏
者在 世宗俱未允行而兩人之見解心術判若天淵
已可見矣公每劾權貴拜疏後必鈔稿以示其人嗚呼

女弟素文傳

校第三妹曰機字素文皙而長端麗爲女兄弟冠幼好讀書既長益習于韻鉞祗之旁縹緗皮積靡正元年先君客吳中聞衡陽令高君清卒庫務妻子獄繫嘆曰我高公幕下客也非我往則難不解遂治裝歷洞庭而南告其弟高八曰襲而兄傾庫供上官吾嘗止之而兄不可則勸其簿籍而加印焉亦知正爲今日計乎高大悟檢篋得印簿訴制軍制軍者大學士邁柱也素善先君兼知高公之冤爲平其事當是時簿中貴人隱探高氏孤稚無能爲使人具三千金啖先君先君怒而叱之高八益感謝臨別泣曰無以報聞先生第三女未昏某妻

方姪幸而男也。願爲公婿已而果然。因寄金鎖爲禮。時妹未周晬。枚長妹四歲。代繫金鎖。飾項者數年。高故如舉人而先君自楚歸。復之粵之滇之閩。與高氏音問遂絕。乾隆七年。高八執訊來曰。某子病不可以昏。願以前言爲戲。先君猶豫。妹侍側持金鎖而泣。不食。先君亦泣。亦不食。以其意復高氏。高之族人驚。謹傳高氏得貞婦。高八歿。其兒子繼祖來曰。婦非疾也。有禽獸行。叔杖死。而蘇恐以怨報德。故遺言辭昏。賢女無自苦。妹聞如不聞。竟適高氏。高渺小僕而斜視。躁戾佻險。非人所爲。見書卷。怒妹自此不作詩。見女工。又怒妹自此不持鍼。蓄索食其爲狎邪。費不得則手搗足踰。燒灼之毒畢具。姑

救之毆姑折齒輪博者錢將負妹而鬻妹見耳目非是告先君先君大怒訟之官而絕之妹歸侍母母體微不適妹徹夜立持粥飲而匕箸進之又。能記稗官稌史國。家治亂名臣言行神仙鬼怪可喜可愕者數稱說歌呼。爲老人娛收入定省聞所未聞學爲之博自離婚後長。齋衣不純采不髮髻不聞樂有病不治遇風辰花朝輒。背人而泣如舉人至必出問堂上姑安否寄贈服食甚。謹前一年高氏子死妹亦病以乾隆二十四年十一月。死年四十枚在揚州聞病奔歸氣已絕一目猶慳也撫。之乃以女阿印病瘖一切人事器物不能音而能書指。形摹意皆母教也想見妹之苦志云檢篋得手編列女。

小倉山房

卷七

七

傳三卷詩若干

淮徐海道按察司副使莊復齋先生傳

乾隆九年枚宰沭陽淮海道莊公來巡相傳有理學名疑其峻而難近也心怵焉旣至則循故事餽殽烝公一切勿拒曰物已烹飪却之是暴天物而違人情也凡賓饗與主人共之禮也止枚而觴之三爵後問沭水原委簿領利病甚悉論山經地志星象樂律甚辨出所爲詩甚工越翼日諸生會於庠公上坐講中庸不皮傳濂洛語而理境顯顯大明聞者色盡變若欲卽駕車赴聖域者然諸生有所陳說雖俚公必靜聽無惰容翼日校壯丁丁疎於技發矢矢旁穿且墜熱火器閉焦其手諸丁伏地請罪枚亦起立皇恐謝平日教敕無素公弛外衣

手弓而前。支左屈右。教如法。十八人無不當鵠者。火器如之。畢就坐笑謂枚曰。而奚慊慊耶。藝成而下。文人不習常也。專心治民。吾職在巡。年年來爲汝教馴之耳。枚聞愈不安。晚諸壯丁皆嘆有泣者。先是大府巡沐饋牲牢。不受令。粗韞蔽上食。不受矜嚴若神。及去庫爲之。虧公來飲食笑語盡。主賓歡及去。無角尖耗如春風歸留。餘溫而已。所從隸六人蒼頭二人。僮一人。皆自飲其馬犒之。跽而辭曰。公視奴輩如兒子。不告而受於心。不安告。公公必命辭。是仍虛君惠也。強之皆伏地誓指其心。乃聽之。公諱寧陽字復齋。世居漳州靖南縣之龜山。康熙進士。初知瀕縣。迎養太夫人。道亡。公自此不復仕。

今上元年以楊文定公薦召見授吏部主事出爲德安同知遷守徐州蘇松道汪某以危法中沛令某督撫白簡繕矣命公補牒公牒稱沛令不侮鰥寡不畏強禦汪聞悛而止果毅公訥親巡江南聲耀隆赫監司皆犇袴跪迎公獨長揖訥責問曰非敢惜此膝於公其如會典所無何訥默然尋遷淮徐海道海州有河通海以運鹽故雖暴漲非徧告諸大府不啟閘公力請得以時開勘淮海災過勞以羸疾卒年六十一卒之日淮海諸氓罷市奔走樹素幟哭而投賻一日至六千緡嗚呼至誠而不動者未之有也公殆真儒也已公少時受知於李文貞公光地成進士出謝公濟世門謝亦奇士

世宗時爲御史三日露章奏河東總督田文鏡十大罪
前一夕夢震雷擊于庭翌日章上果得譴滅死戍邊

蘇州府知府童公傳

公姓童名華字心朴浙之山陰人年十二入郡庠屢鄉舉不第乃習刑名從事幕府年四十九循例入貲與纂大清律受知于大學士朱文端公以知縣薦

世宗召見命查賑直隸直隸樂亭盧龍二邑報飢白不實公倍增之所全活甚衆會怡賢親王在直隸聞公濠河形勢公條對如指掌王以爲能奏知平山縣縣災公不待報遽出倉粟七千石貸民總督某劾奏世宗心重之免其罪擢知正定府權按察使事移知蘇州當是時奉旨清查康熙五十一年至雍正四年江蘇負課一千二百餘萬大府妄測上意鈎考攤派民不能

堪狂。蠟蠟無容。因處公向大府開說。甚辨。大府怒曰。汝沽名。敢逆聖旨。耶公直前抗聲曰。華非逆。旨乃遵旨也。皇上明知有積欠。而不命嚴追。特命清查者。正欲清其來歷。查其原委。或在官。或在役。或在民。或應徵。或不應徵。使了然分曉。然後奏請上裁。恩從中下。此聖意也。今奉行者。絕不顧名思義。而徒以十五年之積欠。竭然求完納。一時是暴征。非清查也。曰於汝云何。曰寬。華限三月。當部。居別。自分。牒申。報大府。嘿然。公出。卽釋所獄繫者千餘人。而造冊。若列眉。求爲轉奏。未幾。世宗風聞江南清查不善。聖書嚴飭。衆方折伏。蘇撫某訪僧與民婦姦。製一枷。兩人荷以徇公。

聞卽往破枷縱遣而自詣轅請罪曰犯姦者枷律也爲
一枷兩荷以抑掄之非政體也且姦罪止杖府縣所司
非尊官所宜聞巡撫敬其強直面謝之而心不悅浙江
總督李衛纂人江南絕無文牒他府畏其威唯唯聽命
至蘇州公抗不與曰地界各有統轄毋相僂也李深嘆
之爲蜚語聞上世宗召公見命往陝西以知府用署
肅州忤巡撫某被劾罷官今上元年起知福州再知
漳州又忤巡撫某被劾罷官歸數年卒年六十六公精
勤廉悍善治下不善事上發姦摘伏如神而尤長于水
利佐怡賢親王營田直隸得十八泉于正定府城外建
西南二牖墾膏腴三百五十頃佐經畧鄂公屯田肅州

鑿通九家密五山引水于十五里外升之于二十丈之高穿渠築堡溉田萬畝民至今利賴之所著詩文若干卷其開太湖水田議一篇蓋守蘇時未竟之志也蘇民德公尤深論者以此前明知府况鍾云

論曰傳稱天爲剛德猶不干時公屢干其長官隨起隨顛致不竟其用豈干將莫邪缺折亦其性耶不然何所遭之不幸也公歿至今垂四十年聞其子孫過吳吳市漿賣餅家猶有質衣履供其斧資者嗚呼公得民心久而如此可知誠能動物非一時沽名者流而或謂吳俗輕儇毀譽多浮其實者亦非也

程南耕先生傳

江寧程氏有二賢焉其昆曰綿莊先生余已銘其墓矣其季年亦七十有九曰南耕先生余悲綿莊之不及見余銘也使綿莊見余銘喜當何似因思韓退之爲太學生何蕃立生傳豈非欲其親見之以爲笑樂耶余嘗以此語戲南耕南耕額手曰幸甚遂撫大槩而書之先生名嗣章字元朴一字南耕七歲能詩旣長習舉子業連闕于有司項項不得志朱文端公與有舊教之曰唐趙匡論選舉以辟召爲先古賢多記室叅軍士果有心經世奚沾沾科第耶先生感焉遂研究刑法食貨諸務識其大者爲人作奏纂詞奮筆得罷董遺意諸大府走金幣

延之憂不得先當是時桂林祁陽兩相公及晏一齋中
丞皆負清望居五長十連之任奉先生若仰衡石而操
表綴也先生叅盡密勿彌口不宣章疏稿出火入一切
體國經野事秘外不能知而三人所張施顯顯然海內
無訾言先生翼扶之功從可知矣先是州縣災例不蠲
漕先生謂晏公曰災地無米必倍價遠購災民免地丁
之一而納漕費之十其何以堪晏公以其言入奏上
勅九卿議嗣後被災漕米銀或蠲或緩臨期奏請永著
爲例祁陽公之督閩也蘇祿國王進表使者報閩人某
在呂宋嗾夷人劫貢物先生曰是詐也宜斥還其表聽
候詞察則事敗矣公從之果來使譎言與誣其仇先生

之能仁民能決大事皆此類也先生不問旨畜雖享多儀皆升綿莊已如不聞綿莊靜而峻先生孔揚采色和顏熙熙謙從者皆憚伯之嚴就季之寬然平生于大義所在勿狎于不順雖賁育何搖焉中年耳聾絕意仕進有欲薦于朝者堅謝之所著塾敦說牧民瑣言皆歷言天下要務其明史畧七十卷尤其精力所注存也外金陵識古錄史學例議若干卷詳所自序中

論曰周官稱公國有孤入王朝乘夏篆稱大客今之督撫昔之公也然則今督撫之大客或卽當日之孤乎使先生以此致通顯出而有爲豈不更光于古然士君子有名之見存則所樹立者非已莫爲也如忘乎名而一

以利物爲懷。則古聖人皆因入成事而已。不尸其功者。也。老子曰。爲而不有。不難其爲。而難其不有。如先生者。其近之矣。

常孝子傳

孝子姓常名裕綸山西徐溝人生四歲孤母戴氏哀鞠
子而撫焉家故織膏無汴歲資母鍼衽以供孝子侍側
愉愉然不刻離既長以武舉授鎮海衛千總故事督漕
者多風波危以故勿克迎輶輶視倍飲乾隆二十八年
孝子罷官事還鎮人見孝子連日喜色溢眉宇異恒常
時訶之乃其母已來未一載母卒孝子雞斯徒跣不納
勺飲將大殮攀棺號阿母不止聲盡血湧腸裂而卒越
母亡才三日

論曰禮稱毀不危身又稱五十不毀然畢魚立哭而死
孔子與之傳稱胡女敬歸之子野卒毀也人惜其不

立以徵魯之衰孝子年五十矣不爲生孝甘爲死孝彼
其心豈不知留其身以慰乃母于地下哉乃情極而禮
忘焉非得已也王荆公之論李翱曰賢者過之翱之賢
翱之過也因其過愈見其賢吾于孝子亦然

寧國府知府莊公傳

太守莊君從白門還宣州未半月計至士大夫知與不知俱爲流涕聞其渡新河遇風舟幾覆食飲滯留服大黃卧便利不止果藥誤耶抑驚顛離胸以隕其生耶嗚呼求其故而不得者命也夫昔予知江寧今劉映榆學士介君於余長不踰中人而秀眉方頤言論風發從此交甚懽二十年來予雖居林下而君之黜陟升降以及其尊主隆民之治功有其子孫所不能知而予獨知之者然則君後人之來乞傳于予也固君志也君始知建德再知盱眙寧國泗州而終於宣州太守乾隆十年貴池民熊永安與金海鬪金傷重熊慮訟不勝會族弟長

德病死乃斧尸誣金縣令謝錫伯廉其姦遂并誣謝落職而抵金罪民洶洶不平撫軍檄公與無爲牧王名標勘詰君檢腦骨陷於顱非生前傷鉤距旁証得喉訟人某而長德妻亦傷其夫尸之無故熏灼也跪謝告實熊乃伏法事雪皖江數萬人噪於時稱兩君子云肝胎大水湖岸崩庭飲者相掬君雨立雨衣而騎指揮水還民以爲神在泗州請免二十五年漕耗大府聞諸朝天子許之到宣州三月積案五百無留獄者乾隆十六年至三十年天子四巡江南前總督黃文襄公今相國尹公俱以絕世才總領百務而非君在側如失左右手一切山川舟車供張儲侍君能先機置想後事補缺

絲毫。不。掛。於。過。差。余。嘗。見。其。扈。蹕。時。踞。坐。帳。中。皮。硯。膝。上。十。指。雨。下。旁。立。文。武。內。監。數。十。人。尊。嗜。相。環。或。催。逼。火。急。而。君。墨。無。停。書。筆。無。誤。字。面。無。異。色。朝。奏。入。夕。報。可。其。敏。健。如。此。樂。道。人。之。善。遇。孤。寒。一。才。一。伎。必。薦。寵。遇。建。德。舊。令。於。途。貧。爲。還。帑。而。寧。其。歸。性。狷。狹。乘。氣。辨。口。小。忤。意。輒。以。精。神。凌。逼。人。雖。貴。游。長。官。不。少。含。忍。以。致。先。爲。泗。州。陳。刺。史。排。竿。再。爲。安。撫。衛。公。劾。奏。至。落。職。簿。錄。而。卒。之。事。皆。無。驗。天。子。閔。其。勞。每。南。巡。必。加。擢。遷。自。縣。令。而。州。牧。而。太。守。雖。忤。者。聞。之。皆。懣。服。曰。莊。君。以。才。力。取。非。福。命。也。然。屢。躋。屢。起。危。而。後。光。家。以。是。貧。而。精。亦。消。亡。矣。卒。年。五。十。五。君。諱。經。畬。字。井。五。一。字。念。

農乾隆二年進士

贊曰儒者多迂緩養名爲文俗吏所訾訾得莊君而人不敢輕科目才之不可以已也如是夫然君色焦然蹇蹇無已卒皆料量苛細馳逐襍務與書之云循吏者異也過此以往軟掌將畢而宣州民安風淳君必能修先王之政與民相和親而已亦將流覽其山川咏歌賦詩以永嘉譽於來茲乃竟賁志以沒若蒼蒼者故限之而欲其止於是也福之方始壽之已終悲夫

江寧兩校官傳

我國家百有三十餘載。而江寧以校官祠于學者。祇二人焉。其一曰教諭湯先生諱偉字鵬乎宣城人。康熙庚午舉人居官。時年已七十。天倪甚和。碌碌然不可見。涯涘夏月。短葛衣。搖扇與羣兒嬉。或上樹撲棗。童子環啖之。先生俯而笑曰。盍留苦敗者。償老子勞耶。其風趣如此。兵部左侍郎法海督學江南。威稜言言所至。不敢仰視。初按江寧。命報程生某劣。先生搖首意若有所疑。法呵之。先生正色曰。程生不特不劣。且賢。公命舉優耶。今晚牒且上矣。若以爲劣。則公知之。偉不知也。法大怒。叱先生出。將劾先生。江寧先輩蔡鉉升者與法有舊。

往見法爭曰公知程生所以劣乎生故狷者也嫉惡嚴
過上新菴見僧奉富商木主與天子龍牌時生詆其
妄擇而投之以故僧與商造蜚語陷生公得毋爲若輩
所眩乎湯先生正人九學所推公不知敬何也法大慙
悔三黜先生而謝江寧學舍穿漏每大雨先生持緞坐
承窗下白髮淋漓客駭問則顰蹙曰大成殿未修先聖
露居而某敢卽安乎上官及諸紳士聞之爭來營度構
造終先生之世學宮煥然俸滿遷國子監典籍以篤老
辭卒年九十餘其曰訓導唐先生諱時琳字宸枚上海
人康熙甲午歲貢飭躬訓士一裘于禮在官捐俸修前
明周貞毅公祠去後諸生卽以先生與湯先生附焉乾

隆三十九年邑有修學之舉將遷祠周公並遷兩先生
訓導曹君懼兩先生之澤將溲也屬予作傳以永之予
覽所持來湯狀甚具而唐事寂然無可記述以故筆瀝
不下者屢矣然竊念東漢諸賢瑰意琦行顯顯在人耳
目而黃叔度以牛醫兒彌口無言一事無爲當時欽之
者至以孔門顏子比之然則古之君子固有行而無迹
者存耶抑動靜語默亦各視其時耶今人間方面大府
在官赫然去則車未出城民已忘其姓氏者不知凡幾
而此二校官獨能以一縷香食報于荒廬苜蓿之場可
知官不在大小惟其人人不在顯晦惟其真中庸曰誠
之不可揜如此夫後之人間兩先生之風可以觀可以

興矣。曹君倒冠而至，偈偈然欲不朽先賢，其立志非凡所及。是亦昌黎所云得牽連書者名錫端，字菽衣，亦上海人。

大理寺卿鄧公傳

乾隆三十九年春大理寺正卿鄧遜齋先生予告還蜀
啓行之前一月從京師作書寄其弟子袁枚曰聞道大
難予偕汝袁未必再見卽生死音耗亦慮少通予生平
出處本末惟汝知之詳蓋爲我撰墓志以須枚聞命皇
恐疑從先生之言則預凶非禮以不敏辭又恐非先生
所以命枚之意而沒先生可傳之賢敬考古人文集爲
賢者立傳不妨及其生存而爲之如司馬君實之于范
蜀公是也先生蜀人聲望與范公相峙枚雖非君實請
引此例以質先生謹按先生名時敏字遜齋四川廣安
人高祖士廉崇禎進士以吏部侍郎從永明王入滇與

李定國等同日殉難祖嗣祖邑庠生父琳以歲貢生任
中江縣訓導生六子先生其季也雍正十年舉于鄉乾
隆元年登進士入翰林七年遷侍講八年爲江南宣諭
化導使十年遷大理寺正卿丁父憂歸里服闋奏請養
母上許之二十六年太夫人薨二十九年先生入朝
補原官先生純和介樸遇人姁姁無矜容躁顏于道義
所在則疑然不可撓當其登九列時天子加恩邊遠
之臣銳意用先生先生年才三十餘一歲數遷旁觀碎
睨以爲稍從容即可宰輔而先生勿顧也歸依膝下忽
忽二十年再入長安諸新貴少年望先生如過時古物
爭避而擲掄而先生亦不樂與熟客昵退朝閉門與一

卷書二三。耆舊共晨夕而已。大理古臯陶所爲權甚重。元明以來一切決于司寇。居此職者視若贅旒。頭仰屋梁。手批大諾。相夸爲識時務。而先生每秋鞠苦心平反。有所得必爭爭。不得必奏。雖旨從中下有從有不從。而同事怫然覺平林中。僥此直。輟鋤而去之。乃善賴皇上知先生深優容者屢矣。今年以計典休論者疑先生受主眷隆于始而替于終。枚獨以爲不然。夫陳寶赤刀天球河圖陳之東序。照耀萬物恩也。藏之典寶俾無玷缺亦恩也。先生以萬里孤臣旁無憑藉而能委蛇卿班適來適去卒全名節以歸此非遭際聖明始終眷護而能如是乎。先生手札謙謙以未報君恩爲愧。

枚又以爲不然夫建一議理一事此報恩之小者也重
其身端其範以儀型百辟此報恩之大者也先生再入
都時有要人怵之使往先生辭焉要人愠先生不悔其
所以不受他人之恩者爲報一人之恩故也無形之
砥柱可以挽中流挽風氣矣而況古名臣有以七十起
者有以八九十起者先生之齒猶未也則將來之報稱
正無窮期而枚幸旦暮母死終將濡筆以俟先生自
待待人以不欺爲主居官蕭散與在林下無異乞身治
裝若脫敝屣然戊午授順天鄉試枚出其門其尤顯者
爲滿洲阿公杜今太子太保定西將軍

厨者王小余傳

小余王姓肉吏之賤者也工烹飪聞其臭者十步以外無不顧逐逐然初來請食单余懼其侈然有穎昌侯之思焉喟曰予故窶人子每餐緡錢不能以寸也笑而應曰諾頃之供淨饌一頭甘而不能已于咽以飽客聞之爭有主孟之請小余治具必親市物曰物各有天其天良我乃治旣得泔之與之脫之作之客嘈嘈然屬饜而舞欲吞其器者屢矣然其簋不過六七過亦不治又其倚竈時雀立不轉目釜中愴也呼張翕之寂如無聞跌火者曰猛則煬者如赤曰曰撤則傳薪者以通減曰且難蘊則置之如棄曰羹定則侍者急以器受或稍忤及

弛期必仇怒。叫噪若稍縱。卽逝者所用莖萱之滑及鹽。鼓酒醬之滋。奮臂下未嘗見其染指試也。畢乃沃手坐。滌磨其鉗銛刀。削竿帚之屬。凡三十餘種。皮而置之。滿箱。他人授汁而掇。莎學之勿肖也。或請受教。曰難言也。作廚如作醫。吾以一心診百物之宜。而謹審其水火之齊。則萬口之甘如一口。問其目曰濃者。先之清者。後之正者。主之奇者。裸之。眡其舌倦辛以震之。待其胃盈酸以隘之。曰八珍七熬貴品也。予能之宜矣。噉噉二卵之餐。子必異于族。凡何耶。曰能大而不能小者。氣羸也能齎而不能華者。才弱也。且味固不在大小。華齎間也能則一芹一菹皆珍。怪不能則雖黃雀鮓三楹無益也。而

好名者又必求之于靈霄之炙紅虬之脯丹山之鳳九
醴水之朱鼈不亦誣乎曰子之術誠工矣然多所炮炙
宰割大殘物命母乃爲孽歟曰庖犧氏至今所炮炙宰
割者萬萬世矣烏在其孽庖犧也雖然以味媚人者物
之性也彼不能盡物之性以表其美于人而徒使之狼
戾枉死于鼎鑊間是則孽之尤者也吾能盡詩之吉蠲
易之鼎烹尚書之藥飫以得先王所以成物之意而又
不肯戕杞柳以爲巧殄天物以鬬奢是固司勛者之所
策功也而何孽焉曰以子之才不供刀匕于朱門而終
老隨園何耶曰知已難知味尤難吾苦思殫力以食人
一有上則吾之心腹腎腸亦與俱上而世之噴聲流歎

者方與厯敗同。僂也。是雖奇賞。吾而吾伎。且日退矣。且所謂知己者。非徒知其長之謂。兼知其短之謂。今主人未嘗不斥我。難我。掉磬我。而皆刺吾心所隱疚。是則美譽之苦。不如嚴訓之甘也。吾日進矣。休矣。終于此矣。未十年卒。余每食必爲之泣。且思其言。有可治民者焉。有可治文者焉。爲之傳。以永其人。

石大夫傳

越之石氏居帝九阮水生者質美而狀多渺小其長子曰青豐且願鯁理粹如越君欲以耀于上國乃命爲大夫聘吳吳闔閭甚文聞之喜曰石碯古純臣也寡人盍留其苗裔以爲國光命設九賓之禮宴大夫國中踐石以上者爭來窺觀大夫請曰士爲知己者死臣願留吳但臣南越之鄙人也敦顏而土色風範朴野難侍屏匱聞吳多子游氏之儒追琢其章願仇弟子禮而往其化臣哉闔閭許之當是時金壇叟王岫君年七十許取友必端以善琢磨人聞天下大夫往握衣趨隅隤爾如委殺鋒砥角一聽叟之所爲月餘再召貌益澤色益莊與

若瑟若爛兮。瑤珠之光。吳子益喜。命廬人爲大夫。造屋
溱。欲測絲。欲沉畢。尚以瓊英。飲以沆瀣。之露。卧以文貝
之錦。遂用事。不離左右。朝有子墨客卿者。性堅執。不肯
下人。見石大夫。則形神消釋。大夫益喜。自負與何水部
飲。大醉。遇管城公。捧其頭。溺之。腹膨亨者數矣。或譖于
闔閭。曰。大夫居孔氏之門。而陰與墨翟爲友。摩頂放踵
。硜硜然。小人哉。且其形黑而津。眼如鵝鵝。必多詐。扣之
不能音。是殆以飲水爲名。而以貪墨爲實者也。必斫之
。必逐之。季札爭之曰。微石氏。吾何以爲札耶。要知天下
。惟肉食者方無墨耳。師曠稱國有五墨。墨而墨子不與
焉。况其與交者哉。昔者堯染于許由。湯染于伊尹。今大

夫染乎墨翟亦猶行古之道也且以墨子之才見大夫猶日形其短而其他可知昔齊威王烹阿大夫而封卽墨大夫遂霸天下君蓋封之卽墨以遂其志而成君之賢闔閭然之拜卽墨大夫賜西河黑水爲湯沐邑居無何上計秩滿將右遷大夫頓首謝曰臣聞知其白守其黑道家訓也茲者維元是宅臣將老焉吳子許之不果遷大夫好修飾居吳三十餘年終日沐浴佩玉以質幹厚重不善舟車非有軍國大冊書大詞令不召見王或朝覲盟會亦不隨行性靜而壽其同官楮先生管城公多病廢或更換至數十輩而大夫一與共事顏色不少衰後閭閻年漸老世子未生大夫侍側不知所終

南史氏曰俗傳石氏之顯始于女媧而盛于帝鴻氏遐
哉難攷矣春秋隕石于宋五後之稱石氏者斷斷然僞
托于宋以自夸然自宋經之楚而後石氏之賢者無聞
焉大夫能通上國友岫君交季札以成其名亦其所遭
者幸也引北宮貞子故事賜生謚曰文端宜哉

短人傳

鎮江之短人曰趙元文年二十八長二尺許侈面博唇
首如覆釜行則左右搖立久臂歷其膝兩手膠而拳揚
州鄭守備貽其母千錢短人歸焉教之應對執箕膺藹
短人性黠無他能屈一足跪客來輒自蜷局出而試
之鄭復得女子一短如之將以偶焉短人辭曰不可短
人天之僇民也有母在不能養而又養一短女子非所
願也固與之將遁矣乃聽焉余過揚州短人出拜問安
必朝夕至載以如白下自將軍方伯太守以下聞其短
咸具簞來迎短人短人摩地鞠脰昂首酬對卑疵嬉趨
轉圜如意皆大喜贈賜重積及歸褒衣大冠篋爲之重

袁。子。曰。禮。之。不。可。已。也。如。是。夫。短。人。知。禮。人。愛。其。短。然。
則。人。之。病。何。病。乎。其。有。所。短。耶。